



হামাসকে 'সন্ত্রাসী' বলায় সৌদির টিভি অফিসে হামলা, আগুন জনতার সার-জমিন



ইছামতি নদীর বাঁধ ভেঙে প্লাবিত পরপর দুটি গ্রাম রূপসী বাংলা



হাসিনাকে রাজনৈতিক আশ্রয় দেওয়া নিয়ে ভারত কী ভাবছে সম্পাদকীয়



শহর কলকাতার উত্থান ও মুসলমান ভাবানুষ্ঙ্গ/৩ রবি-আসর



ইস্টবেঙ্গলকে ২-০ গোলে হারাল মোহনবাগান খেলতে খেলতে

আপনজন

APONZONE Bengali Daily

ইনসানের পক্ষে নির্ভীক কণ্ঠস্বর

রবিবার
২০ অক্টোবর, ২০২৪
৪ কার্তিক ১৪৩১
১৬ রবিউস সানি, ১৪৪৬ হিজরি
সম্পাদক
জাইদুল হক

Vol.: 19 ■ Issue: 282 ■ Daily APONZONE ■ 20 October 2024 ■ Sunday ■ Kolkata ■ RNI: WBBEN/2004/14450 ■ Price: Rs. 5.00 ■ Pages: 8 ■ www.aponzonepatrika.com/epaper.php ■ aponzone@gmail.com

প্রথম নজর

জুনিয়র ডাক্তারদের অনশন প্রত্যাহারের আর্জি মুখ্যমন্ত্রীর



সুপ্রভ রায় ● আপনজন
আপনজন: বারবার বৈঠক আর তারপর হতাশা। এদিকে সোমবার দাবি না মানলে মঙ্গলবার ধর্মঘটের ঈশিয়ারি শুক্রবার রাতে দেন জুনিয়র ডাক্তাররা। আর ঠিক তার পর দিনই শনিবার দুপুরে নাটকীয়ভাবে অনশন মঞ্চে উপস্থিত হন মুখ্য সচিব মনোজ পঙ্ক, স্বরাষ্ট্রসচিব নন্দিনী চক্রবর্তী ও ডিসি সেন্ট্রাল ইন্দিরা মুখোপাধ্যায়। আর মুখ্য সচিবের ফোন মারফতই অনশনকারীদের বার্তা পাঠালেন রাজ্যের মুখ্যমন্ত্রী মমতা বন্দ্যোপাধ্যায়। তিনি বলেন "অনশন তুলতে অনুপ্রেরণা করছি, আলোচনায় বসো।"
শুক্রবারই সিনিয়র ডাক্তারদের সঙ্গে বৈঠকে বসেছিলেন আন্দোলনকারী জুনিয়র ডাক্তারেরা। বৈঠকের পর জুনিয়র চিকিৎসকদের জানিয়েছেন, সোমবার পর্যন্ত সরকারকে সময়সীমা বেঁধে দেওয়া হচ্ছে। ওই সময়ের মধ্যে সাড়া না মিললে মঙ্গলবার হাসপাতালে



হাসপাতালে সর্বাত্মক ধর্মঘট হবে। সেই ধর্মঘট পালন করবেন সিনিয়র এবং জুনিয়র ডাক্তারেরা। আর ২৪ ঘণ্টা পার না হতেই অনশন মঞ্চে পৌঁছে মুখ্যমন্ত্রীর সাথে কথা বলিয়ে দিলেন মুখ্য সচিব। এদিন ফোনবার্তায় মুখ্যমন্ত্রী বলেন, "অনশন তুলতে অনুপ্রেরণা করছি। তোমরা আলোচনায় বসো। আমরা আমাদের সাধ্য মতো চেষ্টা করেছি। প্রায় সব ক'টিই দাবি পূরণ হয়েছে। ৩-৪ মাস সময় দাও। হাসপাতালগুলিতে নির্বাচন করাব। দয়া করে অনশন প্রত্যাহার করো। কাজে যোগ দাও।"
পরে ইমেলের মুখ্য সচিব মনোজ পঙ্ক জুনিয়র ডাক্তারদের জানিয়েছেন, অনশন প্রত্যাহার করে ২১ অক্টোবর সোমবার ১০জন সহযাত্রীকে নিয়ে নবাম সভায় বৈঠকে যোগ দিন। শত ব্যস্ততার মধ্যেও মাননীয় মুখ্যমন্ত্রী এই বৈঠকের জন্য ৪৫ মিনিট সময় বরাদ্দ করেছেন। নবাম সভায় বিকাল সাড়ে চারটের মধ্যে পৌঁছতে এবং ১০জন প্রতিনিধির নাম ইমেইল মারফত জানাতে অনুরোধ করা হচ্ছে।

সোমবার সুপ্রিম কোর্টে দ্রুত শুনানি চেয়ে মেনশন করবেন কপিল সিংহাল!

মুখ্য সচিবের উপস্থিতিতে ওবিসি মামলার অগ্রগতি নিয়ে উচ্চপর্যায়ের বৈঠক নবানে

রাজ্য সরকারের কাছে বিকল্প পথে ওবিসি সমস্যা সমাধানের প্রস্তাব বিধায়ক হুমায়ুন কবিরের

এম মেহেদী সানি ● কলকাতা
আপনজন: ওবিসি সমস্যা নিরসনের ক্ষেত্রে রাজ্য সরকার জোর তৎপরতা শুরু করেছে বলে নবানে সূত্র খবর। নবানে সূত্র খবর, শুক্রবার রাজ্যের মুখ্য সচিবের দফতরে এ বিষয়ে আলোচনা হয়। জানা গেছে, ওই বৈঠকে উপস্থিত ছিলেন রাজ্যের মুখ্যসচিব মনোজ পঙ্ক, ব্যাকওয়ার্ড ক্লাসেস ওয়েলফেয়ার অ্যান্ড ট্রাইবাল ডেভেলপমেন্ট ডিপার্টমেন্ট-এর প্রিন্সিপাল সেক্রেটারি সঞ্জয় বানসাল, সংখ্যালঘু দফতরের সচিব পিবি সালিম, বিধায়ক হুমায়ুন কবির প্রমুখ। সূত্রের খবর, এদিন এই বৈঠকের মাঝেই রাজ্যের মুখ্য সচিব ব্যাকওয়ার্ড ক্লাসেস ওয়েলফেয়ার অ্যান্ড ট্রাইবাল ডেভেলপমেন্ট ডিপার্টমেন্ট-এর তৎকালীন সময়ের প্রিন্সিপাল সেক্রেটারি শেখ নুরুল হকের সঙ্গেও কথা বলেন। ওবিসি মামলায় সুপ্রিম কোর্টের রায় রাজ্য সরকারের পক্ষে না এলেও কীভাবে ওবিসি সমস্যা সমাধান করা যায় তা নিয়েও এদিনের বৈঠক আলোচনা হয়। সুপ্রিম কোর্টে ওবিসি মামলাটি যাতে দ্রুত শুনানি হয় সেজন্য ওই মামলায় রাজ্য সরকারের পক্ষে থাকা বিশিষ্ট

আইনজীবী কপিল সিংহালকে আগামী সোমবার কোর্টে মামলাটি মেনশন করার জন্য রাজ্য সরকারের পক্ষ থেকে জানানো হয়েছে। অন্যদিকে, নবাম সূত্র জানিয়েছে, সুপ্রিম কোর্টের শুনানি ও রায়দান বিলম্ব হলে এবং তা রাজ্য সরকারের পক্ষে না গেলেও আইনানুযায়ী ব্যাকওয়ার্ড ক্লাসেস কমিশন নতুন করে বিজ্ঞপ্তি জারি করে সার্ভে প্রক্রিয়ার মধ্যে দিয়ে নতুন তালিকা তৈরি করে ওবিসি সমস্যার সমাধানের ক্ষেত্রে যাতে উদ্যোগী হয় সে বিষয়টিও তুলে ধরেন ডেবরার বিধায়ক প্রাক্তন আইপিএস অফিসার হুমায়ুন কবির। এ সম্পর্কে হুমায়ুন কবিরের সঙ্গে যোগাযোগ করা হলে তিনি ওবিসি সমস্যা দ্রুত সমাধান করার ক্ষেত্রে রাজ্য সরকারের সদিচ্ছা এবং তৎপরতার কথা উল্লেখ করে "আপনজন"কে বলেন, "ওবিসি মামলা সুপ্রিম কোর্টে বারবার পিছিয়ে যাওয়া এবং সংখ্যালঘু শিক্ষিত সমাজের উৎসেগের বিষয়টি আমি সরকারের উচ্চ পর্যায়ের জানিয়েছিলাম। শুক্রবার রাজ্যের মুখ্য সচিবের উপস্থিতিতে একটি প্রস্তাব রেখেছি। সেটি হল, ওয়েস্ট বেঙ্গল কমিশন ফর ব্যাকওয়ার্ড ক্লাসেস অ্যাক্ট ১৯৯৩-এর

“ওবিসি মামলা নিয়ে শুক্রবার রাজ্যের মুখ্য সচিবের উপস্থিতিতে একটি বৈঠক হয়। সেখানে আমি প্রস্তাব রেখেছি, ওয়েস্টবেঙ্গল কমিশন ফর ব্যাকওয়ার্ড ক্লাসেস অ্যাক্ট ১৯৯৩-এর সেকশন-১১ এ স্পষ্ট বলা আছে নির্দিষ্ট লিস্ট পরিবর্তন করা যেতে পারে সার্ভে ভিত্তিতে। পাশাপাশি কলকাতা হাইকোর্টের রায়ের ১৮৮ পাতার ৩৬০ নম্বর পয়েন্টে বলা হয়েছে ব্যাকওয়ার্ড ক্লাসেস কমিশন চাইলে নতুন করে বিজ্ঞপ্তি জারি করে সার্ভে করে নির্দিষ্ট নিয়ম অনুযায়ী নতুন লিস্ট তৈরি করতে পারে।”



ড. হুমায়ুন কবির
বিধায়ক, ডেবরা

সেকশন-১১ এ স্পষ্ট বলা আছে নির্দিষ্ট লিস্ট পরিবর্তন করা যেতে পারে সার্ভে ভিত্তিতে। পাশাপাশি কলকাতা হাইকোর্টের রায়ের ১৮৮ পাতার ৩৬০ নম্বর পয়েন্টে বলা হয়েছে ব্যাকওয়ার্ড ক্লাসেস কমিশন চাইলে নতুন করে বিজ্ঞপ্তি জারি করে সার্ভে করে নির্দিষ্ট নিয়ম অনুযায়ী নতুন লিস্ট তৈরি করতে পারে। রাজ্য সরকার এই বিকল্প পথ অবলম্বন করতে পারে বলেও জানান হুমায়ুন কবির। ওবিসি মামলার সুপ্রিম কোর্টে বিচারার্থী থাকা অবস্থায় রাজ্য সরকার সামান্তরালভাবে বিকল্প এই প্রক্রিয়া শুরু করতে পারবে কিনা এ বিষয়েও রাজ্য সরকার কপিল সিংহালকে সুপ্রিম কোর্টে সোমবার বিধায়ক মেনশন করার কথা

বলবেন বলেও নবাম সূত্র জানিয়েছে। প্রসঙ্গত, ওবিসি সংক্রান্ত হাইকোর্টের রায়ের ২০১০ সালের পর থেকে জারি করা রাজ্যের সমস্ত ওবিসি সার্টিফিকেট বাতিল করা হয়। ফলে সমস্যায় পড়ে রাজ্যের প্রায় ৫ লক্ষ ওবিসি শংসাপত্রধারীরা। মামলায় হেরে কলকাতা হাইকোর্টের রায়কে চ্যালেঞ্জ জানিয়ে সুপ্রিম কোর্টে যায় রাজ্য সরকার। সেইসঙ্গে মুসলিম সমাজে বেশ কয়েকজন বিদ্বজ্জন কয়েকটি সংখ্যালঘু সংগঠন ও ব্যক্তি এই মামলায় পার্ট হন। ওই মামলায় সুপ্রিম কোর্টে প্রথমদিন শুনানির পর রাজ্য সরকারের পক্ষ থেকে প্রথমে আইনজীবী কপিল সিংহালকে নিয়োগ করা হয়। পরবর্তী শুনানিতে কপিল সিংহাল

সুপ্রিম কোর্টে আরও প্রস্তুতি প্রয়োজন বলে সময় গ্রার্থনা করেন। এরই মাঝে আরজি কর কাউন্সিল শুনানির ফলে এই গুরুত্বপূর্ণ মামলাটির শুনানি পিছিয়ে যেতে থাকে। পরবর্তী শুনানির তারিখ রয়েছে ২২ অক্টোবর। তবে, আবারও শুনানি পিছিয়ে যাবে কিনা তা নিয়ে সংশয় রয়েছে। অন্যদিকে, ওবিসি মামলাটি রয়েছে শুনানিতে প্রধান বিচারপতি ডি ওয়াই চন্দ্রচূড়ের নেতৃত্বাধীন বেঞ্চে। আগামী ১০ নভেম্বর প্রধান বিচারপতি ডি ওয়াই চন্দ্রচূড়ের অবসর নেওয়ার কথা। তার আগে ওবিসি মামলার রায় ঘোষণা না হলে আরও জটিলতা সৃষ্টি হতে পারে। কারণ, তখন আবার নতুন করে বেঞ্চ গঠন করতে হলে সেক্ষেত্রেও ওবিসি মামলাটি আরও বিলম্ব হওয়ার আশঙ্কা থাকতে পারে। তাই রাজ্যের সংখ্যালঘু মহলে এ বিষয়টি নিয়ে জোর চর্চা চলছে। রাজ্যের বিভিন্ন সংখ্যালঘু সংগঠন এ নিয়ে আলোচনা সভা করে চলেছে। এই সব আলোচনা সভায় ওবিসি সমস্যা নিয়ে রাজ্যের সংখ্যালঘু জনপ্রতিনিধিদের সক্রিয় হওয়ার আহ্বান জানানো হয়। বিভিন্ন সোশ্যাল মিডিয়ায়ও রাজ্যের সংখ্যালঘু বিশেষত রাজ্যের সংখ্যালঘু সাংসদ, বিধায়ক

প্রমুখদের এ বিষয়ে বিশেষ ভূমিকা নেওয়ার আর্জি জানানো হয়। এরপর সাংসদ সামিরুল ইসলাম এ বিষয়ে সরকারি মহলে সক্রিয় হলেও পরে পরিযায়ী শ্রমিকদের মতুর ঘটনা নিয়ে তিনি ব্যস্ত হয়ে পড়েন। সেই সন্ধিক্ষণে ডেবরার বিধায়ক প্রাক্তন আইপিএস অফিসার হুমায়ুন কবির বিষয়টি নিয়ে তৎপরতা গ্রহণ করার বিষয়টি সামনে আসতে শুরু করেছে। উল্লেখ্য, ২২ শে মে ওবিসি সংক্রান্ত রায়ের কলকাতা হাইকোর্ট স্পষ্ট জানিয়েছিল, '২০১০ সালের পর থেকে জারি করা রাজ্যের সমস্ত ওবিসি সার্টিফিকেট বাতিল করা হলেও এই সার্টিফিকেট ব্যবহার করে ইতিমধ্যেই চাকরি পেয়ে গিয়েছেন বা চাকরি পাওয়ার প্রক্রিয়ায় রয়েছেন, তাদের ক্ষেত্রে এই নির্দেশ কোনও প্রভাব ফেলবে না।' কিন্তু তা সত্ত্বেও চাকরির পরীক্ষা ও নিয়োগ, কলেজ-বিশ্ববিদ্যালয়ে এবং মেডিকেল কলেজে ভর্তির ক্ষেত্রে ওবিসি ছাত্র-ছাত্রীরা চরম সমস্যার সম্মুখীন হচ্ছে। সেই সমস্যার কথা মুখ্যমন্ত্রী মমতা বন্দ্যোপাধ্যায়ের কানে পৌঁছতেই কীভাবে ওবিসি সমস্যা মোটামোটা যায় তার জন্য রাজ্যের মুখ্যসচিবকে বিশেষ উদ্যোগ নিতে নির্দেশ দিয়েছেন বলে সূত্রের খবর।

হাট ও ব্রেনের চিকিৎসা সহ সমস্ত রোগের সুচিকিৎসার ঠিকানা

আশ শিফা হসপিটাল

ASHSHEEFA HOSPITAL

সহরার হাট ■ ফলতা ■ দক্ষিণ ২৪ পরগনা

প্রান্তিক জেলায় স্বল্পমূল্যে ICCU এবং ১০০ বেডের ক্যাথল্যাবযুক্ত মাল্টিস্পেশালিটি হসপিটাল

GNM
(3 Years)
কোর্সে সরাসরি ভর্তি চলছে
ওয়েস্ট বেঙ্গল ও ইন্ডিয়ান নার্সিং কাউন্সিল অনুমোদিত
HS পাস ছেলে ও মেয়েদের জন্য নার্সিং এর অ্যাডমিশন শুরু হয়ে গেছে

অ্যাঞ্জিওগ্রাম
অ্যাঞ্জিওপ্লাস্টি
বেলুন সার্জারী
পেশমেকার

ডিরেক্টর
ডা. মো. ফারুকউদ্দিন পুরকাইত
MBBS, MD, Dip. Card

9123721642/9836001515

স্বাস্থ্যসাথী কার্ড গ্রহণযোগ্য

